

Dalam satu perjumpaan di Ipoh, Tengku Abdul Rahman tatkala menjawab kebimbangan orang-orang asing tentang kemerdekaan itu hanya menguntungkan orang-orang Melayu sahaja lalu menjawab dengan mengeluarkan apa hakikat pendirian yang sebenar tentang bangsa Melayu dengan katanya: Tuduhan itu adalah benar! Satu daripada pengorbanan besar yang dibuat oleh orang-orang Melayu ialah apabila mereka menyetujui kebangsaan bersama. Pengorbanan yang besar yang telah diberikannya yang belum pernah dilakukan di dunia. Betul Tengku! Sememangnya di dalam dunia belum ada orang yang dengan senang hati mengorbankan kebangsaan dijadikan perkauman selain dari bangsa Melayu yang telah jadi *Malayan* dengan kerana merdeka yang dicita-cita oleh Tengku! Sekarang, bung pembaca sudah tahu dan zahir bahawa Melayu di negeri kita bukannya bangsa Melayu lagi tetapi sudah jadi kaum Melayu!

* * *

Dalam perjumpaan ramai yang diadakan di Ipoh juga, cogan-cogan dalam bahasa Cina yang berbunyi “kerakyatan bagi semua peranakan-peranakan Cina di Malaya.” “Perasaan perjanjian dan persamaan hak” telah ditayangkan oleh orang-orang Cina. Ertinya, tuan, kebangsaan jus soli dikehendaki dan persamaan hak dikehendaki. Sudahnya bagaimana Tengku? Inikah yang dikatakan keuntungan bagi bangsa Melayu di dalam merdeka nanti? Bangsa jadi kaum – hak dibagi sama – Alhamdulillah! Syukur! Satu “kejayaan” yang tidak akan dapat “dilupakan” oleh bangsa-bangsa sehingga ke anak cucu nanti, Tengku!

* * *

Boestaman, menurut berita akhbar, tatkala menghendaki merdeka tidak mahu lagi menggunakan insya-Allah dan tidak pula menghendaki perkataan dengan izin Allah! Jika betul berita itu berat bung! Hanya orang-orang yang berjiwa dan berfaham ateis atau komunis sahaja yang tidak mahu insya-Allah atau dengan izin Allah kerana mereka yakin bahawa dengan kekuasaan Tuhan sahaja mereka mendapat yang demikian. Ingat-ingat bung! Kalau betul cakap begitu lebih baik mengucap istighfar dan kalau tidak perlu



KOPI PAHIT

dinafikan bung!

Menurut berita akhbar Melayu tempatan bahawa di dalam

* * *

Persidangan Menteri-menteri Singapura dan *federation* di Kuala Lumpur telah disetujui menubuhkan satu jawatankuasa kecil bersama untuk menubuhkan satu jawatankuasa kecil bersama untuk menimbangkan tindakan-tindakan atas “penerbitan yang tak disukai”, kalau betul berita ini maka sekarang kerajaan-kerajaan yang mengakui diri “rakyat” rupanya mahu manusia dan dipuji sahaja – selainnya tidak suka. Langkah yang serupa ini diktator namanya bung!

* * *

Perbelanjaan kerana rombongan Singapura ke London dikatakan sebanyak \$ 100.000 banyaknya, siapa yang menanggungnya tentu rakyat! Dan yang senangnya – T. S. T.

* * *

Perjumpaan kerana merdeka di padang terbang Kallang ini nampaknya yang hadir ialah orang-orang yang biasa jua. Siapa? Kata sebahagian orang yang bertanya: “Budak-budak sekolah, pekerja-pekerja bas dan golongannya” – jawab sebahagian orang. Dengan kerana itu ada pula orang bertanya: Mereka inikah yang mewakili rakyat seluruhnya mahu merdeka sekarang?! Bung Marshall sahaja yang boleh mencubanya.

* * *

Tuan Tan Siew Sin, anak kepada Sir Cheng Lock Tan, telah mengatakan untuk menghapuskan darurat mustahak mengadakan satu rombongan “menghadap” Mao Tze Dong! Bagus! Pepatah Melayu membilangkan berkilat ikan di jala sudah tahu jantan betinanya. Inikan kilat “dijala merdeka” yang sudah dituju? Daripada kilat itu kan orang-orang yang arif sudah tahu jantan betinanya, atau ke mana dan apa kehendak mereka! Berhati-hati bung! Bangsa Melayu, jangan jadi pengekor sahaja kepada apa yang dikata oleh ketua awak! – Cemeti al-Farouk.